

IX.

C O N O N .

ARGUMENTUM.

1. *Conon Peloponnesio bello egregius bellator. 2. Afflictis patriæ rebus Pharnabazo contra Spartanos usui fuit. 3. Tissaphernem accusaturus per litteras agit cum Artaxerxe 4. Spartani tanto duce vincuntur ad Cnidum: Græcia liberatur, & muri Athenarum reficiuntur. 5. Ioniam & Æoliam Atheniensibus restitutus, a Teribazo in vincula conjicitur.*

**C**Onon Atheniensis Peloponnesio bello I. accessit ad rem publicam 2, in eoque ejus opera magni fuit 3. Nam & prætor 4 pedestribus exercitibus 5 præfuit, & præfectus classis 6 res magnas mari gessit. Quas ob causas præcipue 7 ei honos habitus est 8. Namque

---

I v. Xenoph. 2. & 4. Diodor. 14. Plut. in Lys. Athenæus 1. Isocrat. in Evagora. Demosth. in Leptin. Aristot. 2. Rhet. Polyan. 1, 48. Frontin. 4, 7, 45. Justin. 5, 5. & 6, 6, 1. & 2. 6, 5, 9. Oros. 2, 19, 3, 1. Cic. Off. 1, 32. conf. infra 12, 5, 4. 2 Functionem publicam nactus est. 3 Alii: In eoque ejus opere magnus fuit. Sed locutio est elliptica; integre diceretur: magni pretii fuit. v. Voss. de Constr. c. 29. 4 Qui præiret exercitui. Sed apud Romanos prætor jus dicebat. 5 Hi opponuntur classariis, adeoque & equitatum comprehendunt. conf. 7, 8, 2. 6 Als Admiral. 7 Singularis. 8 Exhibitus est.